

численные крови христианския проливая. Великия же грады, и веси, и всякое здание, увы, свирепый той коркодил усты огня полиза. Прекрасный же град Переаславль Резанский декемврия в 21 день ратию взя и удолиям равна положи, живущих же в нем без вести сотвори и до ссудых млеко младенцев. И по сем треокаянный паче прежняго возбесне и возярия и поиде на Российския грады — на Суздаль и Владимир, хотя и тем подобное сотворити. И се от велмож резанских муж некий именов Евпатий Коловрат прииде от Чернигова, тамо собирая дань государя своего великаго князя Георгия Игоревича Резанскаго, нападе, яко Авраам на Ходологомора в мале своей дружине числом 1700 человек, и погна нечестивых, яко Гедеон мадиамлян. И толикое погубление поганым сотвори, яко единому христианину тысящу агарян убити. Сам же той Евпатий бяше исполин и многих великих силоу и любимых Батыем смерти предаде, и в мале самого нечестиваго своима рукама не ял, но множество безсерменскаго воинства убиша. И сего непобедимаго воина язвою смертною уязвиша, о нем же Батый велми пожале,^а яко таковой муж не бяше в велицей силе его. И сим тако бывающым зле от нечестивых, все российский грады пострадаша — никому бо могущу неукротимое их стремление укротити, яко да никто же противен будет судбам божним. Вся бо по смотрению тако бывают. Егда же кроволакательному псу Батыю возвратившуся во адския стремнины, в бесовския жилища отнюду же прииде, и паки Российская страна по малу приемлет благолепие. И тогда из града Чернигова прииде благоверный князь Юрий Игоревич — брат великаго князя Георгия Игоревича — во град Переаславль Резанский и, видев конечное запустение града, много плакав, и собра телеса братии и сродник своих — великаго князя Георгия, и с Пронска князя Олга Игоревичев — в Переаславле положи во едином гробе. Князя же Давида и князя Глеба Игоревичев положи в ногах у гробов их, с ними же и князя Всеволода Пронскаго. Благовернаго же князя страсготерпца Феодора Георгиевича многострадалное тело принесе с Воронежа в Зараск и положи с княгинею его и с сыном — князем Иоанном во едином гробе, и постави над ними три кресты каменны близ церкви иже во святых отца нашего Николая архиепископа мирликийских чудотворца, юже прежде сам созда благоверный князь Феодор, в ней же и чудотворный святителя Николая образ, ис Корсуня принесенный, бесчисленна изцеления подавает с верою приходящым и до сего дне в славу Христа бога. И оттоле благоверный князь Юрий Игоревич бысть самодержец всей земли Резанстей, грады обнови и церкви воздвиже, и многи монастыри созда, и распуженное Христово стадо словесных овец собра, и пришельцев утеша, и всех христиан скорбь на радость преложы. И доволна лета на великом княжении Резанском пребысть, с миром ко господу отиде. И от толе страна та и до ныне в мирном устроении пребывает, соблюдаема благодатию и человеколюбием

^а В рук.: пожелала.